

HERNANIKO IRRATI BIDEZKO INTERNET SEINALEA JASOTZEKO EZINBESTEKOA DEN HARGAILUAREN AZPIEGITURAREN INSTALAZIOA DIRUZ LAGUNTZEKO OINARRI ARAUTZAILEAK-2022

HERNANIKO UDALA

ARRAZOEN AZALPENA

Diru laguntza honen helburua da Hernaniren burujabetza teknologikoa hauspotzea, herritarroi azpiegitura propioak emanez, eta desberdintasun sozioekonomikoengatik zein zentro-periferia dikotomiaren ondorioz sortzen den **arrakala digitala ezabatzea**.

Zentzu berean, gure egitasmoak tokiko garapen burujabearen alde egiten du apustu, eta, irrati-lotura bidez inguruko Internet-zerbitzu duina eskaintzeko asmoa du, azpiegitura publiko-komunitarioak erabilia.

Horretarako, Santa Barbara mendiko dorrean emisio-zentroa instalatu den telekomunikazio sare libre eta herrikoiak garatu dira, eta orain, diru-laguntza honen bidez, asmoa da herritarrek zerbitzua jaso ahal izateko hargailuen azpiegiturak instalatzeko diru laguntzak eskaintzea.

Horrenbestez, diru laguntza honen helburua da hargailu horien azpiegitura instalatzeko laguntza ematea.

Publizitate-, lehia- eta objektibotasun-printzipioen mesedetan, gardentasun-parametroen arabera, oinarri arautzaile hauek sustatzen dira, onuradun izan daitezkeen pertsonen artean ahalik eta zabalkunde handiena izan dezaten.

1. artikulua. XEDEA

Oinarri hauen xedea da 2022an diru-laguntzak emateko arau erregulatzailerak ezartzea

1.- Hernanin interneteko estaldura jaso ahal izateko beharrezkoak diren hargailuen azpiegitura instalatzeko diru-laguntza eskaintzea.

2. artikulua. ARAUDI ERREGULATZAILEA

38/2003 Lege Orokorra, Diru-laguntzei buruzkoa, 887/2006 Errege Dekretua, Hernaniko Udalaren 2020-2022 Diru-laguntzen Plan Estrategikoa eta Diru-laguntzak emateko Araudia, eta gain honen inguruan indarrean dauden gainerako arauak.

3. artikulua. APLIKAZIO EREMUA

Diru-laguntza jasoko dute

1.- Hernanin erroldatuta dauden eta Hernanin kokatuta dagoen eraikin batean irrati bidezko seinalea hartzeko beharrezkoa den hargailuaren azpiegitura instalatzen duen pertsona orok.

4. artikulua.- AURREKONTU-ZUZKIDURA

Deialdi honetan aurreikusitako diru-laguntzak 2022rako udal-aurrekontuko partida honen bidez finantzatuko dira: **1.02.480.01.439.00.2022 dirulaguntzak telekomunikazioak (25.000 Euro)**

Finantza-erabilgarritasunaren arabera, Hernaniko Udalak dagoen aurrekontu-zuzkidura handitu ahal izango du, baldintzak betetzen dituzten eskabide guztiei erantzuteko. Aurrekontu-kreditua handitzearen ondorioz laguntzen hasierako zuzkidura handitzeko, ez da beharrezkoa izango deialdia berriro argitaratzea.

5. artikulua. ESKATZAILEEK ONURADUN IZATEKO BETE BEHARREKO BALDINTZAK

Laguntzen hauen eskatzaileek baldintza hauek bete beharko dituzte:

- Hernanin erroldatuta egotea.
- Hargailuaren azpiegitura Hernaniko udalerrian instalatzea.
- Foru-ogasunarekiko zerga-betebeharrak egunean izatea
- Gizarte Segurantzaren Diruzaintza Nagusiarekiko betebeharrak egunean izatea
- Hernaniko Udalekin zorrik ez izatea
- Eskatzen zaion beste edozein.

Honako egoera hauetakoren batean dauden pertsona fisiko edo juridikoak ezin izango dira onuradun izan:

- Diru-laguntza edo laguntza publikoak lortzeko aukera galtzea dakarren epai irmo baten bidez honako delitu hauengatik kondenatuak izan direnak: prebarikazioa, funtzionario-eroskeria, ondasun publikoen bidegabeko erabilera, eraginen trafikoa, iruzurrak eta legearen aurkako ordainarazpenak edo hirigintza-delituak.
- Borondatezko lehiaketa publikoaren deklarazioa eskatu dutenak, edozein prozeduratan kaudimengabe deklaratuak izan direnak, konkurtsoan deklaratu daudenak (hitzarmen batek bere eraginkortasuna lortu duenean izan ezik) esku-hartze judizialaren mende daudenak edo inhabilitatuak izan direnak.
- Administrazioarekin egindako edozein kontraturen suntsiarazpen irmoa eragin izan dutenak
- Diru-laguntzak Itzultzeko betebeharrak ordainduta ez dituztenak

6. artikulua INSTALATZAILEEN ETA ERABILTZAILEEN ARTEKO KONTRATUAK FORMALIZATZEA.

Hernaniko Udalak ez du parte hartzen instalatzailearen eta bezeroaren arteko kontratuaren formalizazioan. Instalazio-kontratua, beraz, enpreseii eta bereroei baino ez dagokie.

Bezeroal oinarri hauetan ezarritako diru-laguntzetan parte hartu ahal izateko, hargailuaren azpiegituraren instalazioaren gehieneko prezioa 300.- €-takoa izango da.

7. artikulua DIRU-LAGUNTZEN ZENBATEKOA

1.- Hargailuaren azpiegituraren instalazioaren inguruko dirulaguntza
Diru-laguntza kalkulatzeko kontuan hartzen den prezioa 300 eurotakoa izango da gehienez eta kostu osoaren %80ko diru-laguntza emango da. Beraz jaso daitekeen 240 euro izango dira BEZ-a kanpo gelditzen delarik.

8.- artikulua.- LAGUNTZEN BATERAGARRITASUNA

Oinarri hauetako dirulaguntzak bateragarriak izango dira dena delako erakunde publiko edo pribatuek xede baterako eman ditzakeen bestelako dirulaguntzekin. Edozein modutan, ez da gain finantzaketarik egongo, eta hala gertatuko balitz, dirulaguntza murriztu egingo litzateke. Gain finantzaketa gerora emango baktiz, eta dirua itzultzeko beharizanen bat baino gehiago izanez gero, dena delako pertsona edo erakunde onuradunak dagokion parte proportzionala itzuli beharko du, lehenik, Hernaniko udalak egin dion ekarpena aintzat hartuta.

9. artikulua.- ESKABIDEAK AURKEZTEKO MODUA

Eskaerak legezko ordezkariak edo eskatzaileak berak aurkeztu beharko ditu, Udalak prestatutako eskabide-eredu normalizatuan

-Telematikoki, Hernaniko Udaleko erregistro elektronoren bidez

-Aurrez aurre Hernaniko Udaleko hhz bulegoan (Herritarren Harrera Zerbitzua), Gudarien plaza 1.

Ez dira onartuko eskaera-orriarekin batera aurkeztu beharreko dokumentu guztiak aurkezten ez dituzten eskabideak (informazioa: 943-335021 eta 943-337035)

Oinarriak eskuragarri egongo dira Hernaniko Udalaren webgunean eta hhz bulegoan (Gudarien plaza 1).

Eskabidea egitean aurkeztu beharreko dokumentazioa:

Interesdunek eskabidea aurkezteak berekin ekarriko du oinarri hauen edukia onartzea. Laguntza hauek jaso nahi dituztenek honako hauek aurkeztu beharko dituzte:

- 1.- Irrati bidezko seinalearen hargailuaren azpiegituraren instalazioaren faktura eta ordainagiria.
- 2.- Pertsona fisikoa bada, eskatzailearen NAN eta haren fotokopia.
- 3.- Pertsona juridikoa bada, erakundearen eraketa-aktaren fotokopia. Horrez gain, eskatzailearen NANaren fotokopia. Telematikoki egiten bada biak eskaneatuta
- 4.- Zerga-betebeharrak eta Gizarte Segurantzarekikoak egunean dituela egiaztatzen duten ziurtagiriak, Gizarte Segurantzaren Diruzaintza Nagusiak eta dagokion ogasunak emandakoak. Zerga betebeharren kasuan, baita posiblea da eskatzaileak sinatutako adierazpena, non berariaz baimentzen baita ziurtagiri horiek egin behar dituzten erakundeek zuzenean lagatzea ziurtagiri horietan jaso beharreko datuak Hernaniko Udalari.
- 5.- Eskatzailearen kontu korrontearen titulartasun-agiria
Era berean, udalak eskabidea baloratu eta ebazteko beharrezkotzat jotzen dituen beste agiri batzuk aurkezteko eskatu ahal izango du.

10. artikulua.- ESKABIDEAK AURKEZTEKO EPEAK

Eskabideak aurkezteko epea Gipuzkoako Aldizkari Ofizialean oinarriak argitaratu eta hurrengo egunean hasiko da, eta 2023ko urriaren 31n amaituko.

Kreditu erabilgarriak Udalak jasotako eta baliozkotutako eskabide guztiak diruz laguntzeko aukera ematen badu, guztiak lagunduko dira diruz. Eskaerak kreditu erabilgarria gainditzen badute, eskabideak irizpide hauen arabera sailkatuko dira:

11. artikulua.- DIRU-LAGUNTZA EMATEKO EBAZPENEA

Alkatetza-dekretu bidez emango da diru-laguntza emateko ebazpena.

Laguntzak emateko ebazpenean berariaz zehaztuko da laguntzen zenbatekoa, eta, hala badagokio, onuradunak bete behar dituen baldintzak, betebeharrak eta zehaztapen osagarriak jasoko ditu. Interesdunei 39/2015 Legearen 40. artikuluan aurreikusitako moduan jakinaraziko zaie.

Ebazpen hau, halaber, Gipuzkoako Aldizkari Ofizialean eta Diru-laguntzen Datu-base Nazionalean argitaratuko da, Diru-laguntzei buruzko azaroaren 17ko 38/2003 Lege Orokorraren 18. artikuluan xedatutakoaren arabera. Era berean, ere argitaratuko da, Hernaniko Udalak erabakitzen duen beste hedabide batzuetan, emandako eta ukatutako laguntzen zerrenda argitaratuko da. Zerrenda horretan, berariaz jasoko dira laguntza ezesteko edo ez emateko arrazoiak. Argitaratzeko, Diru-laguntzei buruzko azaroaren 17ko 38/2003 Lege Orokorraren 18. artikulua eta Diru-laguntzei buruzko

azaroaren 17ko 38/2003 Lege Orokorraren Erregelamendua onartzen duen uztailaren 21eko 887/2006 Errege Dekretuaren 30. artikulua hartuko dira kontuan.

Diru-laguntzei buruzko Araudiaren (887/2006 ED) 63.3 artikuluari jarraituko zaio, deialdian pertsona onuradun izateko ezarritako baldintzak bete arren deialdi horretan ezarritako kredituaren gehieneko zenbatekoa gainditzeagatik onetsiak izan ez diren eskaera guztien zerrenda ordenatua ebazpenean sartzeari dagokionez. Ebazpen berri baten bidez diru-laguntza berriak eman ahal izango dira, ezetsitako eskabide horien zerrendako lehentasun-hurrenkerari jarraituz, onuradunen batek berariaz uko egiteagatik liberatutako kreditua agortu arte, 2022eko abenduaren 31ra arte.

Ondorio horietarako, berariaz uko egindakotzat hartuko da oinarri hauetan ezarritako baldintzaren bat ez betetzea.

Epe horiek igaro eta berariazko ebazpenik eman eta jakinarazi ez bada, eskaera baliozkotzat joko da administrazio-isiltasunez.

Diru-laguntza ematearen aldeko ebazpenak amaiera ematen dio administrazio-bideari, eta, haren aurka berraztertze errekurtsoa aurkez dakioke ebazpena eman zuen organoari, hilabeteko epean, jakinarazpena jaso eta hurrengo egunetik aurrera; bestela, administrazioarekiko auzi-errekurtsoa aurkez daiteke, 2 hilabeteko epean, Beterrri-Buruntza eskualdeko Administrazioarekiko Auzien Epaitegian.

12.artikulua.- ORDAINTZEKO MODUAK

Ordainketa behin egingo da hargailuaren azpiegituraren instalazioaren faktura aurkezten denean.

13. artikulua.- ADOSTASUN-ADIERAZPENA

Diru-laguntzaren eskaera aurkeztean, eskatzaileak bere adostasuna ematen du eta adierazten du oinarri hauek ezagutzen dituela, deialdian ezarritako baldintza guztiak betetzen dituela eta deialdia oso-osorik onartzen duela.

14. artikulua.- DATU PERTSONALEN BABESA

Eskatzaileak adierazten du eskabidean jasotako datu pertsonalak bere baimenarekin jasotzen direla, eta onartzen duela datu horiek modu automatizatuan trata daitezela, eta baimena ematen duela datu horien erabilera udal-kudeaketara soilik mugatzeko, nahiz eta datu horiek beste administrazio publiko batzuei eta haien erakundeei laga edo jakinarazi ahal izango zaizkien, Datu pertsonalak babesteko 2016ko apirilaren 27ko EB 2016/679 Erregelamendu Orokorraren 6.1.e. artikuluan aurreikusitako kasuetan